

# Ленинэнь киява

ВЛКСМ-нь Мордовской обкомонтэ ды Саранскөөнь ошонь комитетэнтэ газетаст

СЕНТЯБРЯНЬ  
4 чи,  
1937 ие  
№ 101 (780)  
ЛКСИ 7-це ие  
чинь ютась

## КОМСОМОЛОНТЬ ПОЦО НАРОДОНЬ ВРАГТНЭНЬ РОБОТАДОСТ

КОСАРЕВ ялганть докладонзо коряс ВЛКСМ-нь ЦК-нь IV-це пленумонтэ постановлениязо

### Информационной сообщения

Августонь 21—28 це читнестэ ульнесь ВЛКСМ-нь Центральной Комитетэнтэ IV-це Пленум. Пленумось кунцолызе ды толковизе Косарев ялганть докладонзо „Комсомолонтэ поцо народонь врагтнэнь роботадост“.

ВЛКСМ-нь ЦК-нь Пленумось ЦК-нь секретарекс дополнительно кочкинзе Богачев ялганть (ВЛКСМ-нь МК-нь секретарь), Уткин ялганть (ВЛКСМ-нь Ленинградской обкомонь секретарь), Белобородов ялганть (ВЛКСМ-нь Горьковской обкомонь секретарь) ды Тимиргалина ялганть (тонавтниция од ломантнень ютксо роботамонь коряс ЦК-нь отделэнь заведующей).

Сень кувалт, што Горшенин ялгась тусь лия роботас (Осоавиахимень ЦС), Пленумось сонзэ освободил ВЛКСМ-нь секретарень обязанностьнестэ, теке марто кадзызе ЦК-нь бюронь членкс.

ВЛКСМ-нь ЦК-нь бюронь членкс дополнительно кочказь Богачев, Уткин, Белобородов, Волкова, Сорокин, Мгеладзе, Брусникин ды Никитин ялгатне.

„Комсомольская правда“ газетанть редакторокс Пленумось кемекстызе Никитин ялганть.

ВЛКСМ-нь ЦК-сь.

якс,—пачтась сенень, што роботниктнэнь разложениянть коряс народонь врагтнэнь комсомолсо гнусной подрывной роботамось эзь вастне отпор комсомолонь руководстванть ендэ, винадо симкшнематне жо лововильте обыденной ды теке марто „частной“ тевекс. Роботниктнэнь ютксо нормальной деловой отношениатне кармасть полатневеме собутыльничествань почва лангсо приятельской отношениатнестэ; нормальной комсомольской дисциплинась — собутыльниктнэнь групповщинасо ды круговой порукасо; политической ды деловой пригодносте коряс кадратнень кочкамонь ды яшемань большевистской принципесь—приятельской связьтнэнь коряс кочксемань аволь большевистской принципсэ. Антиобщественной истят нравтнэнь обстановкасонтэ народонь врагтнэнь шождалгавтневиль возможностьсэ эсист сетьс кундсемс комсомолонь роботниктнэнь, конат аволь устойчивойть морально-бытовой отношениасонть.

ВЛКСМ-нь Центральной Комитетэнтэ, ЦК-нь Бюронть, ЦК-нь секретартнэнь ды васняк Косарев ялганть чумост ашти сеньсэ, што сынь ютасть большевистской бдительностентэ кепедемадо партиянь указаниятнэнь вакска; невтсть корс а кирдевик политической беспечностэ ды эзизь нее комсомолсонтэ народонь врагтнэнь бытовой разложениянть вельде подрывной роботанть особой методтнэнь; аволь ансяк эсть ветя сонзэ каршо бороцямэ, но попустительствовали тензэ.

Роботниктнэнень, ломантнэнень, ломантнэнь проверямонть политической ды деловой подходоть полавтызь „приятельской“ отношениатнестэ. Самай секс комсомолонь ЦК-нь Бюрось ютась бытовой разложениянть зярья фактнэнь вакска ды сынест эзь максо политической значения. Политической самай те серьезной ильведкэнтэ кувалт комсомолонь руководящей органтэ, ВЛКСМ-нь ЦК-стонтэ саезь, эсь шкастонзо эсть невете инициатива ды пек поздасть комсомолонтэ потсо народонь врагтнэнь лангс таргамонтэ коряс.

ВЛКСМ-нь ЦК-нь Бюросонтэ ды комсомольской руководящей зярья роботниктнэнь ютксо ульнесь комсомолс народонь врагтнэнь эцмань опасностентэ прямой недооценка ды эзь ульне политической заостренностэ.

Комсомолонь руководителтне стувтызь, што весе враждебной, антипартийной ды антисоветской группировкатне эрва зярдо бажасть эцемс комсомолс. Комсомолонь активентэ ютксо ульнесь пек келейгавтозь зьянов, политически а виде настроениат, што врагт комсомолсо арасть.

Комсомолонтэ поцо народонь врагтнэнь враждебной роботангень лездась комсомолсо верде саезь

(Пезэ 2-це страницасо)

Меельсь шкастонтэ лангс таргазь комсомолсонтэ вражеской, подрывной роботань фактт, конат кортыть седе, што троцкистко-бухаринской шпионтнэ, террористтнэ, социалистической родинанть предательтне зярья шкань перть орудовасть ВЛКСМ-нь организациатнестэ.

Троцкистско-бухаринской фашисттнэнь, шпионтнэнь бандась эцесь областной, краевой ды районной зярья организациас ды эцесь мик ВЛКСМ-нь Центральной Комитетс.

Контрреволюционной троцкистско-бухаринской те своранть, кона пурнавсь антипартийной течениатнэнь ды группатнэнь осколкаст эйтэ; конатнэнь (течениатнэнь ды группатнэнь) умок тапизь партиясь ды комсомолось, сонзэ (троцкистско-бухаринской контрреволюционной те своранть) возглавли родинанть измениктнэ—народонь врагтнэ Салтанов, Лукьянов, Файнберг, Бубекин, Андреев ды лият. Советской народонть сеж кежей ды оголтелой врагокс улезь, сынь эсист целекс аравтнестэ робочейтнэнь ды крестьянтнэнь поражениянть, сынст закабалениянть ды минек масторсонтэ помещиктнэнь ды капиталисттнэнь властентэ мексэ аравтоманть. Троцкистско-бухаринской отребьясь арсесь минек масторонтэ теомсombo масторонь капиталисттнэнь колониякс, арсесь оля-чисэ эриця советской народонть лангс понгавтомс капиталистической урекс-чинь ярмонть, таго нолдамс безработицанть, вачо-чинть ды ништейкс-чинть. Троцкистско-бухаринской измениктнэ арсестэ капиталисттнэнь кедьс максомс минек социалистической предриятиятнэнь, мексэ аравтомс трудиятнэнь лангсо капиталистической эксплуатациянть. Робочейтнэнь ды крестьянтнэнь оля-чинь трудонть неть мерзавецтнэ арсестэ полавтомс каторжной, подневольной трудсо. Сынь арсестэ модатнэнь максомс помещиктнэнень ды кулакитнэнень, калавтомс колхозтнэнь ды совхозтнэнь ды колхозной велентэ таго велаятомс ништейкс-чинь, прававтомс-чинь ды кулацкой кабалань икелень кинть лангс. Сынь арсестэ советской народонть ды минек од ломантнэнь кедьстэ нельгемс кенярдомавь, обеспеченной эрямонть, конань трудиятне завоевали Ленинэнь—Сталинэнь партиянть ветямонзо коряс.

Комсомолсонтэ японо-немецкой фашизмань приспешниктнэнь банданть арасель кодаможк опоразо од ломантнэнь массатнэнь ютксо ды сынст пельде тензэ лездамо, секс сон эсинзэ подлой предательской чаманзо кекшезь, маньшезь эцесь ВЛКСМ-нь руководящей органтнэс ды эрва кода вредил од ломантнэнь ды ленинской комсомолонтэ ютксо.

Сон комсомолсо аволь устойчивой элементтнэнь ютксо вербовась шпионовь, диверсантонь, террористнэнь ды разведчикень кадрат. Сон эрва кода бажась сеземс со-

ветской од ломантнэнь роботаст социалистической строительствань весе областнестэ, сеземс сынст энергияст ды энтузиазмаст, сынст ютксо теемс а кемема эсь вийтнэнь ды советской властентэ виензэ лангс.

Комсомолонь руководящей органтнэс постнэс понгозь, троцкистско-бухаринской шпионтнэ ды вредительтне тейсть серьезной ущерб комсомолонтэнь. Сынь эрва кода снартнестэ комсомолонтэ аравтомс партиянть каршо ды сезнемс ВКП(б) нь ЦК-нтэ указаниятнэнь од ломантнэнь коммунистической воспитаниядонть, сынст ютксо политической роботадонть; калавтильте комсомолонь кой-кона организациятнэнь ды сезильте ВЛКСМ-нтэ касаманзо, сех пек велесэ. Сынь мешильте политической кружоктнэнь ды школатнэнь роботангень; пропагандистнэнь кадратнэнь засоряли враждебной элементтнэсэ; од ломантнэнь ютксо тейнильте винадо симема ды хулиганства. Сынь снартнестэ сеземс од ломантнэнь ютксо стажановской движениянть, советской од ломантнэнь общей ды технической образованиянть, тормозить технической ды общеобразовательной литературань нолдамонть, снартнестэ калавтомс начальной, средней ды комсомольской общеобразовательной школатнэнь роботаст. Сень кис, штобу од ломантнэнь ютксо теемс советской властентэ кувалт недовольства, сынь тормозить од ломантнэнь эрямонь культурно-бытовой условиянть вадрылгавтоманть, калавтыльте столовойтнэнь, клубтнэнь ды культурной эрва кодат учреждениянть роботаст, конат обслуживают од ломантнэнь; сезильте культурной, спортивной товартнэсэ снабженианть, дезорганизовильте комсомолсо физкультурной ды оборонной роботанть.

Мекс жо кармасть улеме возможнойкс комсомолонтэ поцо народонь врагтнэнь те подлой, вредительской роботась? Комсомолонтэ роботасонзо кодат условият ды асатыкст лездась сенень, што, бдительностентэ кепедемадо эрвикс-чидентэ пек ламо серьезной сигналтнэнь ды предупреждениятнэнь лангс атак ванэ, народонь врагтнэ комсомолонтэ поцо меельсь шканть самс кадовкшностэ лангс атак тарга?

Се фактось, што комсомолонтэ руководящей роботниктнэ врагтнэнь каршо бороцямосонтэ ульнестэ невооруженнойть истя, што меельсь шканть самс эсть машто лангс таргамс ды тапамс комсомолонтэ поцо врагтнэнь, невти, што сынь ютасть вакска ды эзизь нее комсомолсонтэ врагтнэнь подрывной роботанть особенностнэнь.

Комсомолсонтэ подрывной роботанть те особенностэ ашти сеньсэ, што народонь врагтнэ, комсомолонь руководстванть эцесь, од ломантнэнь разложениянть ды од ломантнэнь ютксо эсист стонниктнэнь вербовамонь главной методокс кочкизь од ломантнэнь политической ды бытовой, васняк винадо симкшнеманть вельде разложениянть методонть. Сынь неть цельтнестэ тевс вождтнестэ комсомолонь руководящей роботниктнэнь ютксо келейстэ распространной большевизмантэнь чуждой представлениянть бытэнь кувалт, кона ашти бую личной, частной тевекс ды конань бую арась кодаможк отношениязо политиканть. Комсомолонь руководящей роботниктнэнь ендэ се основной положениянть стувтомась, што роботникентэ бытовой эрямозо ды прянть ветямозо (поведениязо) а явовикс сонзэ политической ды общественной поведениянть эйтэ, што роботникентэ моральной устойчивостэ ашти сонзэ политической устойчивостэнь услов-

# КОМСОМОЛОНТЪ ПОЦО НАРОДОНЪ ВРАГТНЭНЪ РОБОТАДОСТ

## П Е З Э

алов пачкодемс критикань ды самокритикань аволь сатышкасто улемась. Алкуксонь большевистской самокритика арасель ВЛКСМ-нь Центральной Комитетэнь, истяжо комсомоловь областной, краевой ды республиканской комитетнэнь роботасост.

Народонь врагтнэ комсомолсо эсист подрывной роботаст туртов келейсте тевс холдызь ВЛКСМ-нь кой-кона руководящей роботиктнэнь лавшо-читнэнь ды асатыкстнэнь, эсист способностнэнь ды знанияйтнэнь переоценкентнэнь сынт склонностнэнь ды те переоценкентнэнь марто скулмавозь зазнайстванть, „сановной“ поведенианть, рядовой комсомолецтнэнь ды рядовой роботиктнэнь опытэст ды мненияст кувцоломо а бажамонтнэнь.

Комсомолонь организациятнэс келейсте распространеннойть руководствань канцелярско бюрократической методтнэ. Од ломанень массатнэнь марто руководящей активентнэ скулмавомась сеестэ ограничивался ансяк од ломантнэнь марто промкстнэнь ды заседаниятнэнь эйсэ вастневематнэсэ, активисттнэ лавшосто скулмазь од ломантнэнь марто куду ютконь эрямосо (бытсэ), а примсить участия од ломантнэнь культурной развлеченияст, эрва чистэ а эрсить ды сынт марто а ютавнэнь ютко шкаст клубтнэсэ, театртнэсэ, экскурсиятнэсэ, спортплощадкатнэсэ. Комсомольской массанть эйсэ ВЛКСМ-нь роботиктнэнь замыканиась ды сезеваемась неизбежно теить неть руководителтнэнь бюрократической закостенениянть ды наксадоманть туртов условият.

Комсомольской комитеттнэнь роботасост явно а сатны коллективной руководствась, вопростнэнь решаментнэнь а ламо таргсевичь низовой роботиктнэ, те сеестэ пачтнэ ильведксьев решениятнэнь тейнемантнэнь ды канды зыян кадратнэнь касомантнэнь ды воспитаниянэнь. Истямо практикась ашти комсомоловь, од ломантнэнь коммунистической воспитаниянэнь организациянть весе характерэнтнэнь явной противоречияст.

Руководящей роботантнэнь од уш касозь кадратнэнь смелой выдвижениянть таркас тевесь лотксесь секеть жо веенст роботиктнэнь вейке организациясто омбоцес простой передвижениянть лангс, те не мог а пачтямс комсомолонь кадратнэнь переставаниянть ды теке марто вейсэ сынт касоманть састо моламантнэнь.

Народонь врагтнэнь тапамонтнэнь ды педе-пес сынт таргсеманть; сынт эйсэ комсомолонть ды совзе руководящей органтнэнь седе курокто ванькскавтоманть; сынт вредительствань последствиянэнь ликвидациянть ды руководствань асатыкстнэнь, конатне лездыть врагтнэнь эцнемантнэнь, решительной маштоманть весе комсомольской организациятнэнь очередной политической задачкаст ловозь, — ВЛКСМ-нь ЦК-нть Пленумось теи восстановления:

1. Осудить бытовой разложениянть явлениятнэненень комсомолонь роботиктнэнь эндо аволь большевистской терпимой отношениянть, кона недостойной советской од ломантнэнь ды седеак пек комсомолонь активной роботиктнэнь туртов. Осудить активентнэнь ютксо

келейгавтозь аволь большевистской меленть, што бытэсь, винадо симкшнематне, разгулось—те личной, частной тев. Внедрить эрва комсомолецтнэнь сознанияст сень чаркодеманть, што бытэсь ашти а явовиксэкс политиканть эйсэ, што моральной разложениянть вети комсомолецтнэнь, прок политической ды общественной роботиктнэнь емамонтнэнь, ды што роботиктнэнь моральной ванькс-чись ашти политической разложениянть эйсэ кемевикс гарантияк.

Эрва комсомолецтнэнь ды комсомольской активистэнтнэнь долгозо ды обязанностэз—ветямс решительной бороцямо винадо симкшнематнэнь ды бытовой разложениянть каршо. Роботиктнэнь оценкентнэнь, кочкамонтнэнь ды выдвижениянть пингстэ обязательно улест ловозь сынт моральной качестваст.

2. Осудить комсомольской роботиктнэнь ютксо политической, деловой отношениянть панибратской „приятельской“ отношениянть эйсэ полавтнемань практиканть, конат сезить большевистской организациянть ды руководствань основатнэнь, комсомолсонть кастыть беспринципность, безыдейность ды безответственной круговой порука.

Восстановить роботиктнэнь ютксо нормальной отношениянть, конатне теезь большевистской принципиальностнэнь, роботасонтнэнь ильведкстнэнь ды асатыкстнэнь взаимной критиканть основа лангсо.

3. Восстановить од ломантнэнь марто комсомолонь весе руководящей роботиктнэнь эрва чинь, живой скулмавоманть, кона ашти од ломантнэнь виде руководствань ды воспитаниянэнь основной условияк. Путомс пе заседательской суетнянть ды канцелярщинанть. Комсомолонь роботиктнэ эсист сех ламо шкастонтнэнь должны улест тосо, косот од ломантнэ, вейсэ сынт марто, сынт роботаст, оймсемаст ды бытэст организавомосонтнэнь сынт лездез. Од ломантнэнь марто эрва чинь скулмавомась ашти гарантияк бюрократической закостенениянть каршо, комсомолонь активентнэ касоманть ды кемекстамонь важнейшей условияк. Од ломантнэнь марто эрва чинь скулмавомась ВЛКСМ-нь ЦК-нэнь лезды ванькскадомс враждебной, разложившийся элементнэнь ды эрва кодат „сановниктнэнь“ эйсэ, конатне пелить ды оргелить черновой практической роботадонть.

4. Толковавомо, комитетэнь члентнэнь ды комсомольской активисттнэнь мелест парсте кулсо-номавтомо решениятнэнь тейнезь руководствань практикантнэнь путомс пе. Обеспечить комсомолонь весе организациятнэсэ, ВЛКСМ-нь ЦК-стонть саезь, комсомолонть роботань вопростнэнь коллективной толковамонтнэнь ды коллективной разрешениянть, кона ашти комсомолецтнэнь ды активентнэ политической касомань важнейшей условияк.

Комсомолонь обкомтнэнь, крайкомтнэнь, горкомтнэнь ды райкомтнэнь бюротнэненень эрявить кочксемс аволь ансяк комсомольской роботиктнэнь, конатне работыть комсомолонть аппараттнэсэ, но комсомолецтнэнь-активистнэньгак, конатне работыть предприятиятнэсэ, колхозтнэсэ, совхозтнэсэ ды учреждениятнэсэ.

Комсомолонь весе комитеттнэнь кармавтомс кавто ковсвеств аволь седе чуросто, терднемс районной, ошонь келей активт, покш приятиятнэсэ активт, конатнэнь эйсэ руководящей роботиктнэде башка улест комсомольской группортнэ, цехтнэнь комсортнэ, промышленностнэнь ды велень хозяйствань комсомолецтнэ-стахановецтнэ. Активентнэ неть промкстнэсэ улест толковакшнозь роботамонь башка отраслянтнэнь коряс комитеттнэнь отчеттнэ, политической вопростнэ, конатне интересуют активентнэ, комсомольской роботиктнэнь аволь паро поведенианть фактнэ ды комитеттнэнь сообщенияст мератнеде, конатнэнь сынь примить комсомолецтнэнь сигналост ды пеняцямост коряс.

Пленумось комсомольской весе организациятнэнь кармавты кайсемс пост лангсто комсомольской сетне роботиктнэнь, конатне снартыть лепштыамс эли киртыамс комсомолсо большевистской критиканть ды самокритиканть.

5. Ликвидировамс кадратнэнь кочкамонтнэнь ды явшемань (распределениянть) аволь виде ды вредной, те шкас эрица практиканть, зардо активентнэ касозь, руководящей роботантнэнь способной кадратне а аравтневить руководящей робогас, руководящей постнэсэ жо аштекшнн ташто, кода мерить „а полавтовица“, комсомольской роботиктнэнь тенне кругось, конатне передвигаются вейке организациясто омбоцес.

Комсомолсонть предстоящей конференциятнэ ды с'ездтнэ должны ютамс ленинской комсомолсонть руководящей эрва кодамо роботантнэнь од кадратнэнь смелойстэ выдвигениянть знак ало.

6. Аравтомс комсомолецтнэнь икеле организациянть секретартнэнь строжайшей отчетность комсомольской средстватнэнь ютавнеманть ды комсомольской хозяйстванть состояниязо кис.

Комитеттнэнь секретартне должны комитетэнь пленумтнэсэ регулярнойстэ тейнемс отчетт бюджетэнтнэ топавтомадо.

7. Башка комсомолецтнэнь судьбантнэнь комсомолсто сынт панемадо эли восстановлениядо вопростнэнь толковамонтнэнь пингстэ бездушной, формальной подходоень уликс практиканть осудить. Комсомолонь комитеттнэнь кармавтомс обеспечивать ягань сехте ламо мель ды чуткой отношения комсомолсто панемадо эли комсомолс восстановлениядо вопростнэнь решениянть пингстэ, парсте содамс проступкатнэнь, конатнэнь теизь комсомолецтнэ; а ветнемс весе гевентнэ ансяк анкетной ды биографической даннотнэнь формальной выяснениянть, комсомолецтнэнь оценивать васняк существовань коряс, лиякс мерем политической ды деловой качестванть коряс, народонтнэнь, коммунистической партиянтнэнь, советской властэнтнэнь сынт преданностест коряс.



### СЕНТЯБРЯНЪ 1-це ЧИСТЭ УШОДОВСЬ ПРИЗЫВЕСЬ

СНИМКАСОНТЬ: Армияв примазь призывниктнэ: (вить эндо кершев) Толя Кремляков, А. Полежаев, Миша Абрамов, Гара Фокин, Балахонкин ды удало рядсо Коля Пятаев.

Фотось ВЕРЕТЕННИКОВОНЪ.

### Мон вадрясто ютавтынъ каникулатнэнь

Тедиде мон тонавтнэнь Кабай велень средней школань VII-це классо. Сонзэ прядья отличнойстэ.

Парсте тонавтнеманть кис ды общественной роботанть кис школань дерекциясь теень макссь почетной грамота.

Кизэнь каникулатнэнь ютавтынъ вадрясто, ламо ловнынъ рүзонь ды эрзянь кельсэ литература: Пушкин— „Евгений Онегин“, „Борис Годунов“, „Капитанская дочка“,

„Дубровский“, Л. Толстой— „Кавказкий пленник“, „Хаджи Мурат“, „После бала“, Короленконь етнемат. Вишберг— „Открытие и завоевание Америки“. М. Горький— „Мать“, „Челкаш“, „В людях“.

Малав эрва чистэ экшелямо яксинь, яксинь вивев. Тонавтнема од иенть вастыя кеярдозь, покш вий марто. Максан вал икеле пелевгак тонавтнемс ансяк парсте ды отличнойстэ.

Евг. Агеев.

## „АНТ—25“ ЭКИПАЖОНТЬ—ГРОМОВ, ЮМАШЕВ, ДАНИЛИН ЯЛГАТНЕНЬ КАЗЕМАДО

ССР-нь Союзонь Центральной Исполнительной  
Комитетэнь постановлениязо

Москов—Северной полк—Американь  
Соединенной штат геронической атак  
валгоне ливтямонть теэманзо ды прямо-  
нть коряс вавон ливтямонь мировой од  
рекордонть теэманзо кис СССР-нь Цент-  
ральной Исполнительной Комитетэнь  
тейсь постановлениязо:

1. Каземс Красное знамя ордена Со-  
ветской Союзонь Героонть  
Громовонь М. М.—„АНТ—25“  
экипажонь командиронть.

2. Присвоить Советской Союзонь ге-  
роонь лемонть.

Юмашовонь А. Б.—омбоде пи-  
лотонть;

Данилинэнь С. А.—штурманон-  
тень.

3. Максомс единовременной ярмаконь  
казне ливтямонь участниктонень: Гро-  
мовонь М. М., Юмашевонь А. В. ды  
Данилинэнь С. А.—30 тышат целко-  
войть эрвантень.

ССР-нь Центральной Исполнительной  
Комитетэнь председателесь  
М. Калинин.

СССР-нь Центральной Исполнительной  
Комитетэнь секретаресь А. Горкин.

Москов, Кремля.  
1937 иень сентябрь 1-це чи.

## Громов, Юмашев ды Данилин Сталин ялгантень

Вечкевикс Иосиф Виссарио-  
нович!

Минек каземадо правитель-  
стванть постановлениязь айза-  
нек касты преданностень, веч-  
кемань ды кенярдомань истя-  
мо чувства, конань а кода ев-  
тамс кодамояк валсо.

Минь арсетяно ансяк вейке,

штобу Тон содавлитъ: весе  
эсинеке эрямонок ды виенеке  
минь пуцыеке се икеле-пельк-  
сэнтъ теэмантень, конанень Тон  
минек эйсэ ветят, дорогой, пек  
вечкевикс оя ды учитель.

Громов  
Юмашев  
Данилин.

## ССР-нь Союзонь Финанстнэнь Народной Комиссариатонть сообщениязо

1937 иень сентябрь 2-це чи

ССР-нь Союзонь оборонанть ке-  
мекстамонь заемось, кона нолда-  
вель те иень июльстэ СССР-нь  
ЦИК-нь ды СНК-нь постановлени-  
язь коряс 4 миллиард целковоонь  
питнесь,—августонь 31-це чис раз-  
мещен 4 миллиард 915 миллион  
807 тышат целковоонь питнес,  
лякс меремс 915 миллион 807  
тышат целковойде седе ламос.

Заемонть лангс аравтозь циф-  
ранть коряс фактической подпис-  
канть пек покш превышенияязо  
кувалт, правительствась мерсь лот-  
кавтомс заемонть лангс икеле пе-  
лев сермадстоманть, теде максозь  
распоряжения СССР-нь Нарком-  
финэнь органиэненень.

(ТАСС).

## ТАСС-нь СООБЩЕНИЯ

Августонь 30-це чистэ, 22 часо,  
„Тимирязев“ советской теплохо-  
дось, кона мольсь английской  
Кардиф портстонть Порт-Саидов,  
ваявтозь 2 торпедатнесэ Алжирэнь  
эйтэ 120 километрань таркасо  
востоков. Экипажось ванстозь  
кавто шлюпка лангсо, конатнень  
саязь буксир лангс калонь мест-  
ной кундыцатне ды ветизь авгу-  
стонь 31 чистэ валске марто 2 часо  
сто Демис портов. Парижэ  
ССР-нь полпредстванть лемс  
радиотелеграммсонть „Тимирязев“  
теплоходонь капитанось Рындюк  
ялгась пачтась куля теплоходонть  
ваямодонзо, кона лиссь ведь алга

укшница венченть пельде нападе-  
ниядонть, ды истяжо весе экипа-  
жонть ванстомадо ды энялдсь  
пачтамс те кулявть Московов.

Бандитизмань беспримерной ак-  
тось, конань фашистнэ теизь Анг-  
лиясто Порт—Саидэв коммерчес-  
кой груз марто молиция СССР-нь  
торговой флотонь суднанть коряс,  
теи пек покш негодования СССР-нь  
граждантнэнь ды весе мирсэнть  
честной ломантнень ютксо. Со-  
ветской правительствась теи рас-  
следования гнусной те преступле-  
ниянь весе обстоятельствомнень,  
штобу примамс соответственной  
решеният.

## „Тимирязев“ теплоходонть телеграммazo

Одесса, 2—9. (ТАСС). Черномор-  
ской пароходствань управлениязь  
получась „Тимирязев“ теплоходонь  
(конань ваявтызь фашистской пи-  
ратнэ Средиземной иневедьсэ)  
капитанонть Рындюк ялганть пель-  
де телеграмма, конасонть сон пач-  
ти куля, што дисциплинированно  
стенить, мужествоанть ды героиз-

манть кувалт теплоходонь коман-  
дась стака условиятнесэ кадзые  
суднанть жертвавтомо.

Августонь 31-це чистэ экипажось  
валгсь Демис портс. Сентябрьн  
1-це чистэ састь Алжирэв, косо  
получась распоряжения молемс  
Парижев.



СНИМКАСОНТЬ: Кочкуровань районь „Большевик“ колхозонь колхозницат  
оймсемань ды культурань парксо (Саран ош). Сынсь сакшность августонь 30 чистэ  
демонстрацияв, кона алтазель МАССР-нь Конституциянь примамонть ознаменова-  
нияс. Тесе невтизь демонстрантнэненень эсис самодеятельностест: морасть эрзянь мо-  
рот-кишть. Демонстр иттнэ сынст ваньзы покш мелясь ды виевстэ аплодировать.

Фотось Б. ВОЛГИНЭНЬ.

## „Н—209“ самолетонть вешнемась

### ШЕВЕЛЕВ ЯЛГАНТЬ ВОЗДУШНОЙ ЭКСПЕДИЦИЯСЬ САСЬ ЖЕЛАНЯНЬ МЫСЭНТЕНЬ

Сентябрь 2-це чистэ Амдермасто Со-  
ветской Союзонь героонть Шевелев ял-  
ганть экспедициянь самолетнэнь ливтя-  
мо до мейле, Главсевморпутинь начальни-  
кенть О. Ю. Шмидтэнь лемс получазь  
радиограммат седе, што самолетнэ, Ма-  
точкинэнь Шаронть ютазь, 12 чассто 06  
минутасто пачкодсть Крашеников полуост-  
ровонть видо. Новой Землянть вельвссь  
ульнесть пельть, пиземесь ды ловонь се-

еде разрядт. Самолетнэ лезнакшность. Те  
кармантызе экспедициянь велявтомс се-  
верэв, но Новой Землян северной бере-  
контькак ютамс ульнесть а кода. Само-  
летнэ саязь курсонть Желаниянь мы-  
сэнтень. 15 чассто 25 минутасто само-  
летнэ парсте валгсть Желаниянь мысэнь  
аэродромс.

(ТАСС).

## Задков летчикесь сась „Красин“ ледоколонтень

Сентябрь 2 чистэ Задков летчикесь  
сась „Красин“ ледоколонтень. „Красин“  
лангсо экспедициянь начальникесь Дриго  
ялгась кучсь О. Ю. Шмидтэнь лемс ра-  
диограмма, конасонть меревь, што Задков  
аноксты ливтямонь васень условиятнень  
пингстэ ливтямо север енов. Возможно  
што сон сырги ливтямо ашолгадома шка-  
сто. „Красин“ ледоколонтень малас валго-  
мадо мейле Задков ливтнесь северэв ле-  
доколонтень продвиженияязо туртов вень

равведкас, но туманонть кувалт самоле-  
тось часонь ютазь велявть мекев ле-  
доколонтень.

Грацианский летчикесь ливтясь Амбар-  
чик бухтагонть Шмидтэнь мысэв. Аюи  
островонть маласо кинть лангсо, Грациан-  
ский ялганть самолетось понгсь виев ту-  
манс. Летчикесь благополучна велявть  
Амбарчик бухтав. Сентябрьн 3 чистэ  
Грацианский одов снарти ливтямс Шмид-  
тэнь островс.

## Шевелев ялганть воздушной экспедициязо ливтясь Рудольфонь островонтень

Главсевморпутесь получась радиограм-  
ма Амдермасто Советской Союзонь ге-  
роонть Шевелев ялганть воздушной экс-  
педицияязо ливтямо.

Сентябрь 2 чистэ 8 чассто 15 ми-  
нутасто кошкс васенцеке кепететсть Со-

ветской Союзонь героонть Водопьянов  
ялганть „Н—170“ самолетозо. Сонэ  
мельга кепететсть Советской Союзонь  
геройтнень самолетост. 8 чассто 18 ми-  
нутасто самолетонь звенась сайсь курс  
Рудольфонь островонтень.

## Чаво ловнома кудо

Кочкуровань район. Од Мурза  
велень клубсонть арась кодамояк  
культура, кияксонть рудаз, сте-  
натне вельязь пульсэ. Тосо арась  
минек воадтнень портретэст. Ве-  
семеэз улить ансяк 10 книгат,  
сеськак аштить 1931 иестэнтъ са-  
езь шкафсо, лия а мезе ловномс.  
Музыкальной инструментт арась,  
ульнесть вейке балалайка, сеньгак  
эйкакшт тапизь.

Клубсонть чуросто эрси стенга-

зета, сеньгак нолдтнить рузке,  
колхозниктнэ жо умок кортнесть,  
штобу стенгазетанть нолтневельть  
эрзянь кельсэ, но неть вешемат-  
нень кияк а мари. Избачось, сон  
жо клубонь заведующеесь, овси а  
мелявты сень кис, штобу ловнома  
кудосонть ветямс культурно мас-  
совой работа. Весе тень кувалт  
ловнома кудось эрси чаво, кияк  
тов а яки, а месьт тосо тейнемс,  
А. А. Мирс.

## ОД ЛОМАНТНЕНЬ МЕЖДУНАРОДНОЙ XXIII-це ЧИНТЕНЬ ПОДАРКАТ

Железнодорожной Рузаевской узелень комсомолецтне парсте анокстыть од ломантнень Международной XXIII-це чинтень.

Кондукторской резервань комсомольской организациясь организовась проводникень комсомольской бригада Од ломанень Международной XXIII-це чинть лемсэ. Бригадасонть 18 комсомолецт. Комсомольской бригадась бригадирэнт Вишленков ялганть марто сентябрьн 1-це чистэ кармасть ветямо работа. Те бригадась карма обслуживамо 85 ды 86 №№ поездтнень, конат яксекшныть Рузаевкасто Казанев ды мекев. Бригадась эсь лангозонзо сайсь обязательства—образцовыстэ аравтомс роботанть ды теемс вадра показателть.

Машинистэсь-комсомолецэсь Камышников Виктор ялгась эсинэе помощникенэ Фролов ды кочегаронть Кшов комсомолецтне марто Од ломантнень Международной XXIII-це чинтень подаркакс августонь 28-це чистэ тейсть успешной поездка пассажирской 50 № поездэнтэ Сызрань станцияв ды мекев. Сынть уголиятнень юткс 40 процентс човорясть палозь уголькат, ды тень коряс сэкономили 2600 килограммт уголият. Камышников ялгась сайсь обязательства—кемекстамс ды ламокстамс эсь успештнень, отделениясонть ды Ленинской кисэнтэ саемс васьень тарка.

Д. А.

## Доклад Од ломантнень Международной чиденть

Ардатовань район. Покш Ардатовань „Од эрямо“ колхозонь комсомольской организациясь августонь 31-це чистэ ютавтсь промкс, косо комсомолецтнеде башка ульнесть ламо аволь союзной од ломанть. Промксонть Колосов ялгась тейсь доклад Од ломантнень Международной чиденть, евтнize кода эрить ды бороцитть од ломанть капиталистической мастортнэва ды кода эрить минек масторонь уцяскав од ломантне.

С. Авдеев.

## Испаниясо фронттнэва

Чи лисема (арагонской) фронтсонть молить республиканской войскактнень активней операцият. Сентябрьн васьень чистэ республиканецтнэ занясть зыря од пункт ды пачкодсть Бельчитанть окрнантень (Сарагосанть эйстэ юго-востоков). Медвананть эйстэ север ено республиканецтнэнень, мятежиктнэнень лепштямост коряс, савсь аламодо потамс.

Южной фронтсонть, Пособланко

райсонть, меельсь операциясонть республиканецтнэ сайсть противотанктнэнь 2 орудият ды ламо пулеметт. Гренаданть эйстэ юно мятежиктнэ занясть Кортихонть. Яла теке, республиканецтнэ, конатне тейсть решительной контратака, панизь мятежикнень войскактнень те позициянт вельксэ пек вадра возвышенностенть лангсто.

## ИСПАНСКОЙ ОД ЛОМАНЕНЬ РЕПУБЛИКАНСКОЙ Организациятнень Возвзванияст

Августонь 31-це чистэ Валенсиясо объединенной социалистической од ломантнень, студенческой союзонь, анархистской од ломантнень, Республиканской союзонь од организациятнень, республиканской левой ды лиятнень исполнительской комитеттнень подписест марто нолдазь вейсэнэ возвания, конась терди испанской од ломантнень

весе средстватнесэ самс северной фронтонть лездемо, келейгавтомс наступлениянт чи лисема ено фронтсонть ды лездемс правительстванть ванькскавтомс тылэнтэ фашистской агенттнэнь эйстэ.

Те возваниясь—республиканской Испаниянэ весе од организациятнень объединениянт енов васьень покш эськелькс.

## Китайсэ военной действиятне

Японской сообщениятнень коряс, сентябрьн васьенце чистэ японской войскактне, Усун китайской крепостенть лангс нежадезь, конань сынть занизь санзь Баошаненть (Шанхайстэнтэ северэв), конась ловови важной стратегической пунктос. Усун районсонть бойтне отличаютсь пек упорной характерсэ. Усун крепостенть занямсто японецтнэ емасть 148 ломанть маштозь ды ранязь. Позициятне, конатне аштить крепостенть маласо, икеле ладсо аштить китайской войскактнень кедьсэ. Сентябрьн васьенце чистэ японской военной кораблятне кармасть

неть позициятнень бомбардировань.

Сентябрьн васьень чистэ китайской войскактне таго тейнесть пек виев атака Усуонть лангс. Японецтнэ зярс кирдить крепостенть, но бойсэнтэ емасть малав 100 ломанть маштозь ды ранязь.

Кода пачтить Шанхайстэ, августонь 31 чистэ японской 4 самолеттнэ бомбардировизь Чжан Чжоуянтэ (Амоянть эйстэ чи валгомав). Китайской зенитной артиллериянэ виев толсонть самолеттнэ ульнесть лансезь.

ТАСС.

## А сатыть 30 партат

Тонавтнема од иентень Ташто Ардатова велень аволь полной средней школась паро ладсо аволь анок. Тосо асатыть 30 партат.

Бути кевкстемс школань директоронть, козонь озыть тонавничиятне, косо кармить тонавтнема, сон мезеяк паро а отечи седе башка, што „кодаяк тейсынек“.

Гайгин.

Ардатовань район.

## Уроктнэ уш кармасть сезневеме

Саранскоень муздром. училищань директорось Яковлев В. М. яволявтокшнось, што муздром. училищась тонавтнема од иентень анок. Тевесь жо ашти лиякс. Общезитиясь витнезь беряньстэ, асатыть постельной принадлежностть, студенттнэ учить эрва койка лангсо колмсын-колмонь ломанть.

Школасонть истя-жо асатыть преподавательть. Рузонь келень учитель арась, секс сентябрьн 2-чистэ сезевсь рузонь келень урокось.

Б.

## Студенттнэ совасть апак анокста общезитияс

Мокшэрзянь рабфаконь дирекциясь кода эряви эзь анокста тонавтнема од иентень. Студенттнэ совасть общезитиянэ апак витне, рудазов комнататнес. Вальматне тапсезь, кенкштнэ секень вант сяворить. Ломанень эсть сато постельной принадлежностть, комнататнева арась радио.

Директорось Куркин ялгась эсь призо, бульчом, а лови чумокскак, сонзэ койсэ—тонавтнемасть ушодовсь ды паро. Кода эрить студенттнэ общезитиятнесэ—те сонзэ, бульчом, яла теке.

П. К.

## Кинень эрявить чаво валтнэ

Отчетно-кочкамонь шкадонть мейле ютась ламо шка. Ламо ульнесть кортазь седе, што райкомтнэ а сатышкасто лездуть комсомолонь организациятнэненень, што комсомолонь организациятне роботыть лавшосто.

Отчетно-кочкамонь истямо промкс ютавтозель Антоновка велесэ-як. Истят кортнематнеяк ульнесть комсомолонь организациясонть. Кочкамотне ютасть ды секень лангс весе тевесь прядовсь. Отчетно-кочкамонь промкстонт мейле арасель вестькак комитетэнтэ заседаниязо, комсомолецтнэнень промкс. Комсомолецтнэ од ломантне юткс а роботыть, секс организациясь а касы. Бути заявленият максытькак, то кармить ваномост аволь васыяк заседаниясо, вансызь жо вейсэнэ промкссо. Райкомонть пельде лездемо арась.

Ней чаркодеви, што сеть кортнематне, конат ульнесть отчетно-кочкамонь промкссо кадовсь ча-во валкс, тев жо кодамояк арась.

Кинень эрявить чаво валтнэ? Эряви роботамс.

С. З. Кузн.

Дубенкань р-н.

## Видить берянь видьмесэ

Покш Березникень район. Шугурова велень Блюхер лемсэ колхозось колы озим видемань агротехнической правилатнень. Видить берянь, апак сортава видьмесэ. Августонь 28-це чистэ кладовщикесь Бояркин колмо бригадатнэненень видьмекс нолдась пулокст. 1-це бригадань бригадирэсь Наземкин ялгась сынст эйсэ эзь карма видеме секс, што сынст юткс ульнесть ламо мода ды лият. Тень кувалма 1-це бригадась аштес чинь-чоп роботавомо секс, што лия видьметь саемс ульнесть а косто, кладовщикесь Бояркин тукшнось Чаунзав эсь тевензэ кувалт.

Колов.

## Васенцеде звуковой кино

Пикшня велесэ августонь 21-це чистэ ульнесть васенцеде звуковой кино-фильма „Веселые ребята“. Веселой картинась, парт тосо моротне. Картинась пек тусь ломантнень мельс.

П. Любаев.

Б. Игнатово.

## ЯВОЛЯВТОМА

Те июнь сентябрьн 7-це чистэ, чокшнэ 7 чассто МКСХШ-нь елубсонть карми удеме ошонь комсомольской активень вейсэнэ промкс.

Чинь повесткась:

ВЛКСМ-нь ЦК-нь 4-це пленумонть итогтнэде (докладчикесь Лысенков).

Комитетэнь секретартнэненень, комсорганэненень получамс пропускт комсомолонь горкомсто.

Совамось пропусктнэнь ды комсомольской билеттнэнь коряс.

ВЛКСМ-нь ГК-сь.

Шкань ответ. редакторось Д. АДУШКИН.



Колмоце №. детсадось кучсь школав 23 эйкакшт. Сентябрьн 1-це чистэ сынть васенцеде совасть школав.

СНИМКАСОНТЬ: Боря Бурашников, Боря Финогеев, Мося Дубровская, Фрида Лощук ды Мося Сорокина.

Фотось ВЕРЕТЕННИКОВОНЬ.